

778

206

U-25



(Ք Ն Ն Ա Գ Ա Տ Ե Լ Ի)

ԿԱՆՈՆԱԴՐՈՒԹԻՒՆ

Տ Փ Խ Ի Ս Ի Հ Ա Յ

ՔԱՀԱՆԱՆԵՐԻ ՄԻԱԲԱՆՈՒԹԵԱՆ



Կ Ա Ջ Մ Ե Յ

Տիֆլիսի առաջին մասի գործակալ
ԳՐԻԳՈՐ ԱԻԱԳ ՔԱՀԱՆԱՅ ՄԱՆԴԱԿՈՒՆԻ

Տ Փ Խ Ի Ս

Տպարան «Գուստաներիցի»

1907

4/360

3-384a

206

5-25

(Ք Ն Ն Ա Դ Ա Տ Ե Լ Ի)

23 SEP 2009

ԿԱՆՈՆԱԴՐՈՒԹԻՒՆ

Տ Փ Խ Ի Ս Ի Հ Ա Յ

ՔԱՀԱՆԱՆԵՐԻ ՄԻԱԲԱՆՈՒԹԵԱՆ

1706

...

Կ Ա Չ Մ Ե Ց

Տփիսիսի առաջին մասի զործակալ

ԳՐԻԳՈՐ ԱԻԱԳՔ ՔԱՀԱՆԱՅ ՄԱՆԴԱԿՈՒՆԻ

Տփիսի

Տպարան «Գուտտենբերգի»

1907

24 JUN 2013

2778



39722-63

Типография „Гуттенберг“

Յ Ա Ռ Ա Ջ Ա Բ Ա Ն

Արդարութեան վերայ հիմնուած բարեկարգութիւնը, Աստուածանից ճառագայթած արեւ է, երկնային ցօղ ու անձրեւ է՝ որ բոլորին համահաւասար բեղմնաւորում է, բարեկարգում է և երջանկացնում, ցաւօք սրտի պէտք է ասած, որ Տփլիսի հայ քահանաներիս մեծամասնութիւնը զուրկ է այդ արդարութեան ցօղերի կենդանաբար պարարումներից, որովհետեւ անարդար բարեկարգութիւնը՝ քահանաներիս դիրքը մէջ այնպիսի վիճակների մէջ շփոթեցրել է, որ կենդանաբար ցօղերի պարարումները բաժին ընկել է միմիայն մի կարգ քահանաների և դպիրների:

Ահա այն արդարութիւնը որի բարեկարգ շաւիղներովն ենք յառաջ ընթանում. ահա այն արդարութիւնը՝ որին կոչում ենք արդարութիւն, ի՞նչ արդարութիւն, միթէ արդարութիւն է, որ քահանաներիս մեծամասնութիւնից մէկը տարեկան կատարում է մօտաւորապէս 100 օրէնք՝ մկրտութիւն, պսակ և թաղումն, այս 100 օրէնքիցը առաւելն ստանում է 200 ուրբլի. ըստ որում, գրեթէ կէս մասիցն աւել ձրի է կատարում, աղքատ և չքաւորներ լինելու առթիւ, իսկ մի կարգ քահանաներից մէկը կատարում է մի թաղումն՝ և ստանում է 500—1000 ուրբլի այս դեռ մի օրինակատարութիւնիցն է:

Միթէ արդարութիւն է, որ քահանաներիս մեծամասնութիւնը՝ շատ աշխատի՝ քիչ վարձատրուի, իսկ

փոքրամասնութիւնը քիչ աշխատի՝ շատ ու շատ վարձաւորութիւն:

Միթէ արդարութիւն է, որ քահանաներիս մեծամասնութիւնը պարտքով ապրեն նկուղներում, իսկ փոքրամասնութիւնը բանկային հաղարներով՝ պալատներում և ամառանոցներում:

Հրապարակաւ եմ գրում, ես 31 տարի քահանայութեան պաշտօն վարող՝ աւագ քահանայս, եօթնամեայ Տփլիսի գործակալս՝ հանդերձ գործակալական սոճիկովս չեմ ստանում 200 տուն ծխերից տարեկան արդիւնք այնքան՝ որքան քաղաքիս մի կարգ քահանաների տիրացուներից մէկը. սա չեմ գրում ի լրօյ, և ոչ կարծիքով, այլ գրածս՝ աչքովս տեսիլ եմ, ականջներովս լսել եմ, և հետաքրքրութեամբս ստուգել: Եթէ ես գործակալս այս օրին եմ, ի՞նչ օրի են լինելու պաշտօնակիցներիցս շատերը, նոյն և մեր գաղիւնները:

Ի՞նչ արդարութիւն է, և ո՞վ կ'օժտւի արդար խղճով լսել ու տեսնել, որ մեզանից շատերը՝ կրած աշխատանքների արդիւնքներից զրկւած՝ սգալի սրտով նստին ի լաց, իսկ միւս կարգը՝ հանգիստ միջոցաւ ոսկիները դիզած, լի համադամ կերակուրներով, ուրախ սրտով, ծիծաղ երեսով նստին ի հաց: Իմաստունն ասում է «Զրկողին անհնարին է Աստուածանից ողորմութիւն գտնել, եթէ զրկանքը զրկողին չ'զարձնէ»:

Ժողովուրդների աչք համարուածներ, ժողովուրդների կարող անձեր, բաւական համարեցէք այսքան զրկանքը, սորա առաջն առնելու համար ուշադրութիւն դարձրէք. ահա արդարութեամբ պատրաստած կանոնադրութեանս մի մի օրինակը ուղարկում եմ ձեզ և խոնարհաբար խնդրում, որ ուշադրութեամբ կարդաք քննադատէք, աւելորդ կէտերը՝ վերցնէք, պակասը՝ լրացնէք, իսկ եթէ սորա՝ բաւական և գոհացուցիչ

զտնէք, այն ժամանակ՝ առանց ըստէ կորցնելու ոտքի կանգնեցէք, արդարութեան բարեկարգութեանը դէմ գլուխ բարձրացնող անկուշտներին չթողնէք հրապարակ գալու և անիրաւութեամբ բարեկարգութիւնը խառնակելու, այլ ինքներդ եղէք որդիք զօրութեան, ինքներդ եղէք այս գեղեցիկ ու արդար կանոնադրութեանը ձայն բարձրացնողներ, և գործադրութեան վերայ դնելը յաջողացնող մեծ մարդ կոչուողներ:

Իսկ Դոնը, ո՞ր թեմակալ բարձր Սրբազան Առաջնորդ Տէր-Գարեգին Արք-եպիսկոպոս Սաթունեանց, Դոնը, եթէ կամենում էք Ձեր յետևից մի լուսաւոր գիծ թողնել, ներբողներով փառաբանութեան յաղթանակ տանել, հազարաւոր բերաններից օրհնութեան և զովաբանութեան ալելուաներ լսել, այսօրուանը՝ մի՞ ձգէք վաղուեան, այսօր և եթ աշխարհականներից և հոգևորականներից խառն ժողովներ կազմեցէք, և այս նշանաւոր գործքը՝ ամենայն յաջողութեամբ ի կատար ածեցէք, այն ժամանակ կ'տեսնէք, որ արդարեւ մի մեծ գործք էք կատարել, մի մեծ գործք՝ որ քանի գնայ՝ այնքան գեղեցիկանալու է և կատարելագործուելու. և միշտ յիշեցնելու է Ձեր անկեղծութեամբ վերաբերուիլը այս մեծ ու գեղեցիկ գործքին:

Գործակալ Տփլիսի

Դրիգոր աւագ քահանայ Մանդակունի

ՅՕԴՈՒԱԾ Ա.

1, Վանոց աւագ եկեղեցի

- 1, Ղևոնդ աւագ քահանայ Պարագեանց
- 2, Եղնիկ աւագ քահանայ Երզնկեանց
- 3, Գիւտ աւագ քահանայ Աղանեանց
- 4, Գրիգոր քահանայ Սօջանաթեանց
- 5, Գալուստ քահանայ Աբուլեանց
 - 1, Սարգիս սարկ. Ալիխանեանց
 - 2, Սարգիս սարկ. Պուլեանց

2, Նիրանաւոր Ուխտատեղւոյ եկեղեցի

- 6, Ղևոնդ քահանայ Տէր-Սարգսեանց

3, Սուրբ Սարգիս

- 7, Կոստանդիանոս քահանայ Արարատեանց
- 8, Եղնիկ քահանայ Ալիսագեանց

4, Հրեշտակապետաց եկեղեցի

- 9, Բարկէն քահանայ Տէր-Պաշտուրեանց

5, Կարուղիկի Ս. Աստուածածին

- 10, Ստեփաննոս աւագ քահ. Սամուէլեանց
- 11, Աշոտ քահանայ Թէմուրաղեանց
- 12, Գրիգոր քահանայ Կախոյեանց
- 13, Յովհաննէս քահանայ Ամիրխանեանց

6, Բերդեհեմու Ս. Աստուածածին

14, Գրիգոր աւագ քահ. Տէր-Բարսեղեանց

15, Գէորգ քահանայ Մէհրաբեանց

16, Յովսէփ քահանայ Արուիւհանց

7, Կուսանաց Ս. Ստեփանոս

17, Արսէն աւագ քահանայ Բաղրատունի

8, Բարափի Ս. Յակովբ

18, Յովհաննէս քահանայ Պապովհանց

» Օգնական Ղեոնդ քահանայ Մեհրաբեանց

9, Մողկեոյ Ս. Գեորգ

19, Սիմէոն աւագ քահանայ Զմշկեանց

20, Յովհաննէս քահանայ Տէր-Գրիգորեանց

21, Սահակ աւագ քահանայ Սահակեանց

22, Վարդան քահանայ Տէր-Ղեոնդեանց

3, Յակովբ սարկ. Պարոնեանց

10, Նորադենու Ս. Աստուածածին

23, Գէորգ աւագ քահանայ Տէր-Տէրեանց

24, Դաւիթ քահանայ Գիրգիտեանց

25, Թադէոս քահանայ Երուանդեանց

26, Սարգիս աւագ քահանայ Շիօյեանց

11, Աւետեաց Ս. Աստուածածին

27, Գէորգ աւագ քահանայ Արուիւհանց

28, Զաքարիա քահանայ Զարկեղեանց

29, Արշակ քահանայ Մինասեանց

30, Մեսրովբ քահանայ Տարիէլեանց

12, Ս. Նշան

31, Գրիգոր քահանայ Շերմազանեանց

32, Գարեգին քահանայ Առաքէլեանց

4, Միքայէլ սար. Տէր-Յարութիւնեանց

13, Տափի-բաղի Ս. Գեորգ

33, Յովհաննէս աւագ քահ. Մարտիրոսեանց

34, Յովսէփ քահանայ Տէր-Պետրոսեանց

14, Զրկինեանց ս. Կարապետ

35, Սիմէոն քահանայ Արահամեանց

36, Գրիգոր աւագ քահանայ Երզնկեանց

15, Վերայի ս. Խաչ

37, Գէորգ քահանայ Տէր-Աւետիսեանց

» Օգնական Աւետիս ք. Տէր-Աւետիսեանց

16, Շամբոնեցոց Ս. Աստուածածին

38, Համազասպ ա. քահ. Տէր-Յովհաննիսեանց

39, Շմաւոն քահանայ Տէր-Բարսեղեանց

5, Սարգիս սարկ. Իփակեանց

17, Զորաբաղի Ս. Գեորգ

40, Գրիգոր աւագ քահանայ Մանգակունի

18, Էջմիածնեցոց Ս. Գեորգ

41, Ներսէս աւագ քահանայ Արովեանց

42, Բարսեղ քահանայ Տէր-Բարսեղեանց

43, Ղեոնդ քահանայ Մամիկոնեանց

6, Համբարձում սարկ. Բարիմեանց

19, Ս. Մինաս

44, Սարգիս աւագ քահանայ Իգիթեանց

45, Յարութիւն քահանայ Շախեանց

20, Նահանգական բանտի Ս. Վարդանանց եկեղեցի

46, Գրիգորիս քահանայ Մատինեանց

21, Խօջալանից Ս. Աստուածածին

47, Բարդուղիմէոս ք. Տէր Յարութիւնեանց

22, Նաւրուդի ա. Գեորգ

48, Աղէքսանդր աւագ քահ. Վարդանեանց

23, Ս. Կարապետ

49, Գաբրիէլ աւագ քահ. Տէր-Գաբրիէլեանց

50, Գէորգ քահանայ Սաղոյեանց

24, Զուդուրեբոս Ս. Աստուածածին

51, Յովհաննէս քահանայ Իւզրաշեանց

25, Կուկիոյ Ս. Աստուածածին

52, Աղէքսանդր քահ. Տէր-Յովհաննիսեանց

53, Գրիգոր քահ. Շահնազարեանց

7. Սարգիս սարկ. Օտեանց

26, Թանդոյեան Ս. Աստուածածին

54, Ներսէս աւագ քահանայ Ղամազեանց

55, Սահակ քահանայ Սահակեանց

56, Յարութիւն քահանայ Ճուղուրեանց

1, Քահանաների թիւը, ժամանակի ընթացքում իջեցնելով՝ սահմանափակելու է 42 թուով:

2, Քահանաների որոշուած թուից աւելի ձեռնադրութիւնը և տեղափոխութիւնը խստիւ արգելելու է:

ՅՕԴՈՒՍԾ Բ.

Տփլիսի հայոց փահանաների միաբանութիւնը:

1, Տփլիսի հայոց քահանաների միաբանութիւնը ընդունելու է Տփլիսի բոլոր հայ ժողովրդին մի համայնք, և Տփլիսի բոլոր եկեղեցեաց քահանաներին հանդերձ սարկաւազներով և հոգևորականութեան մէջ ընդունված զպիւրներով մի միաբանութիւն:

2, Տփլիսի հայ քահանաների միաբանութիւնը բոլոր աշխատանքը և վարձատրութիւնը աստիճանաբար հաւասարեցնելու է. այն է 1 - 25 տարի ծառայողին՝ համահաւասար, 25-ից — 35 տարի ծառայողին՝ համահաւասար. 35 տարին լրացնողներին՝ ցմահ կենսաթոշակ: Սոյն կանոնը գործադրուելու է սարկաւազների և հոգևորականութեան մէջ ընդունված զպիւրների վերաբերութեամբ էլ. (Յօդ. Ժդ.):

3, Տփլիսի հայ քահանաների միաբանութիւնը՝ մեռնող քահանային իւր հաշուով է թաղելու. այրին ստանալու է ցմահ ամսական, եթէ որբերը փոքր են՝ թէ ըստ նիւթականին և թէ ըստ բարոյականին խնամելու է մինչև 22 տարի հասակի հասնիլը՝ արականի, և պսակը՝ իգականի:

4, Տփլիսի հայ քահանաների միաբանութիւնը, եթէ քահանայի պէտք ունենայ, այս դէպքում քահանայական ընդհանուր ժողովը՝ ծխականների ընտրած և սարկաւազ ձեռնադրուածներից ընտրելու է երեքին, և նոցա խոնարհաբար առաջարկելու է թէմակալ բարձր Սրբազան Առաջնորդի բարեհաճութեանը, և նա ըստ

իւր ազատ ընտրութեան՝ նորոնցից մէկին ձեռնադրելու է հանգուցեալ քահանայի բաց տեղի վերայ քահանայ:

5, Տփխիսի հայ քահանաների միաբանութիւնը ունենալու է մի գանձարանական ժողով, որ քահանայապատկան զանազանակերպ արդիւնքները ստանալու է, և գանձապահի ձեռքով յանձնելու բոնկը ի պահեստ և յաճումն. և մի վարչական ժողով, հսկելու բարեկարգութեանց, ստուգելու գանձարանական ժողովի հաշիւները, գտնելու արդիւնքի աւելի յուսալի աղբիւրներ, և միշտ մտածելու քահանայական վիճակի լայն և ընդարձակ ապահովութիւնը և պատուի նախաձեռնի բարձրութիւնը:

ՅՕԴՈՒԱԾ Գ.

Գանձարանական ժողով

1, Գանձարանական ժողովի անդամները ընտրելու է քահանայական ընդհանուր ժողովը, եւամեայ ժամանակաւ, լրանալուց յետոյ՝ կարող են վերընտրուիլ:

2, Անդամները լինելու են երկու քահանայ և չորս աշխարհականներ:

3, Աշխարհականներն ստանալու են ամսական որոշ տոկոս ուճիկ:

4, Գանձարանական անդամներից մի քահանայ և երկու աշխարհական անդամները պարտաւոր են առաւօտեան ժամը 10-ից նիստ ունենալ մինչև ճաշու ժամը մէկը, իսկ ժամը մէկից մինչև երեկոյեան ժամը 6-ը միւս կարգի մի քահանայ և երկու աշխարհական անդամները՝ շարունակ ամեն օր:

5, Գանձարանական ժողովի նիստերը լինելու են

կոնսիստորիայի սենեակներից մէկումը, իւր բոլոր կահաւորութեամբ հանդերձ: Նորան կից լինելու է վարչական ժողովի սենեակը:

ՅՕԴՈՒԱԾ Դ.

Գանձարանական ժողովի վերաբերութեամբ մի քանի կէտեր:

1, Գանձարանական և վարչական ժողովներն ունենալու են կնիք, մէջ տեղը բաց Աւետարան՝ խաչը զլիւին, շուրջը «Տփ. Հ. Ք. միաբանութիւն. և տարեթիւը, այս կնիքը լինելու է վարչական ժողովի քարտուղարի մօտ:

2, Գանձարանական և վարչական ժողովների անդամների մէկի հիւանդութեան և կամ բացակայութեան ժամանակ, նորա անձնափոխանորդը կարող է փոխարինել՝ բացակայի բոլոր իրաւունքներով:

3, Գանձարանական ժողովի մթերած գումարը՝ յանձնելու է Պետական և կամ մասնաւոր բոնկերը՝ որոշ ժամանակով:

4, Գանձարանական ժողովն՝ իւր մօտ պահելու է ոչ աւել 100 ուրլուց:

5, Գանձարանական ժողովն իւրաքանչիւր ամսավերջին՝ հաշիւ տալու է վարչական ժողովին, իսկ տարւայ վերջը՝ քահանայական ընդհանուր ժողովին:

ՅՕԴՈՒԱԾ Ե.

Գանձարանական ժողովի ունեցալիք

1, Գանձարանական ժողովն ունենալու է մի քարտուղար և մի գանձապահ. քահանայական ընդհանուր ժողովի ընտրութեամբ:

2, Գանձարանական ժողովն ունենալու է երկու սպասաւոր, ուղարկելու կարգադրութեանց մասին տեղեկութիւն տալու քահանաներին և այլոց:

3, Գանձարանական ժողովն ունենալու է առանձին առանձին երեք կտրոնաւոր մատահաններ ծնելոց, պսակելոց և ննջեցելոց. այլ և մի մատեան՝ յուշարար, յոյստնող յուղարկաւորութեանց մասնակցող քահանաների հերթերը, օրինակ այս ինչ քահանան՝ այս ինչ շաբաթում մասնակցել է այս ինչ յուղարկաւորութեանը, այժմ հերթը այս ինչ քահանայինն է (յօդ. է. հոմար 5: Եւ այսպէս ջանալու է ընդմիջտ աշխատանքի հաւասարութիւնը ճիշտ պահպանել՝ այլև ամեն տեսակ ծառայութեանց մէջ. միայն հիւանդը և բացական ազատ են, բացական կարող է յետոյ՝ իւր բաց թողածները լրացնել:

4, Գանձարանական ժողովն ունենալու է մի զրամարկի՝ մթերելու առձեռն ժողովուած դրամները:

5, Գանձարանական ժողովի դանձապահն էլ ունենալու է չորս առանձին առանձին մատահաններ ծնելոց, պսակելոց և ննջեցելոց, որոնց մէջ զատ զատ մուծելու է մուտքը այլև մի մատեան ընդհանուր մտից և ելից:

ՅՕԴԻԱԾ 2.

Ծիսակասարութեան արդիւնքի փանակութիւնը

1, Գանձարանական ժողովը ծիսակատարութեանց արդիւնքների քանակութիւնը պէտք է խառն ժողովով որոշէ, որ ժողովուրդը իւր տալիքը գիտենայ և ըստ այնմ առանց սակարկութեան իւր տալիքը հատուցանէ:

2, Ժողովուրդը բաժանելու է զանազան դասակարգութեան, առաջին դասակարգութիւնը համարելու

է չքաւորներին և աղքատներին, որոնց ծէսը կատարելու է ձրի, սակայն է-րդ յօդուածի ընթացքով:

3, Երկրորդ դասակարգութիւնից ստացուելու է ծնելոց համար (.....) ուրբի, պսակելոց (.....) ուրբի, և ննջեցելոց (.....) ուրբի:

4, Երրորդ դասակարգութիւնից ստացուելու է ծնելոց համար (.....) ուրբի, պսակելոց (.....) ուրբի և ննջեցելոց (.....) ուրբի:

5, Չորրորդ դասակարգութիւնից ստացուելու է ծնելոց, պսակելոց և ննջեցելոց համար՝ նոցա կարողութեանցը և նոցա սրտերի ազնուութեանցը համաձայն՝ արդիւնք:

ՅՕԴՈՒԱԾ Է.

Գանձարանական ժողովի գործք

1, Գանձարանի ժողովի անդամները իւրեանց քարտուղարովը և գանձապահովը ամեն օր նիստ են ունենալու, և լինելու են ազատ որ և է պաշտօն կատարելուց:

2, Գանձարանական ժողովն մկրտութեան կնքահօրիցն ստանալու է կնքադրամը և յանձնելու գանձապահին, որն անմիջապէս մուծելու է ծնելոց մատեանում, իսկ քարտուղարը նոյնպէս մուծելու է ծնելոց մատեանում, և կտրօնը կտրել և տալու է կնքահօրը, մկրտող քահանան կնքահօրիցը ստանալով կտրօնը՝ առանց որ և է պատճառաբանութեան և պահանջման մկրտելու է երեխային և ըստ սովորականի՝ մուծելու չափաբերականում, մահակնունքներն ազատ են ձևականութիւններից:

3, Գանձարանական ժողովն նոյնպէս ստանալու է պսակուող փեսայացուներից և հարսնացուներից պսա-

կադրամբ և յանձնելու զանձապահին, որ տնօրինապէս մուծելու է պատկերոց մատեանում, իսկ քարտուղարը նոյնպէս մուծելու է պատկերոց մատեանում և կտրօնը կարելու և տալու է փետայացուին, օրինակատար քահանան կտրօնն ստանալով Ս. պատարագից յետոյ անմիջապէս կատարելու է պատկեր և մուծելու չափարեւրականում:

4, Գանձարանական ժողովն ստանալու է ննջեցեալների անրիժքները, թաղմեղանքների արդիւնքը, ըստանալու է կողոպուտները և մոմերը (կողոպուտները և մոմերը վերածելու է դրամի) Ս. սեղանների մոմերը և շաքարները (շաքարները ամսավերջին հաւասար բաժանելու է քահանաներին, սարկաւագներին և զպիրներին). եօթը և քառասուն պատարագներինը, հոգեհանգիստներինը, այլև յուզարկաւորութեանց մասնակցող քահանաների և երգեցիկ խմբի ստանալի արդիւնքները:

5, Գանձարանական ժողովը կարգապահական մատենի ցուցման համաձայն գրելու է զօրձակալին, որ նա իւր սպասաւորի միջոցաւ յայտնէ նշանակուած հերթակալ քահանաներին և խմբին, որոնք առանց ո և է պատճառաւորանութեանց անթերի կատարելու են կարգադրուած պատուէրները:

ՅՕԴՈՒԱԾ Ը.

Վարչական ժողով

1, Վարչական ժողովի անդամները լինելու են երեք քահանայ, մի սարկաւագ քարտուղար, և ունենալու երկու սպասաւորներ:

2, Վարչական ժողովի անդամներն և քարտուղարը ընտրուելու են հանդերձ անձնափոխանօրոյներով ընդ-

հանուր քահանայական ժողովից. եռամեայ ժամանակամիջոցաւ, ազատ ո և է ծառայութիւնից, ժամանակին կարող են վերընտրուել, կնիքը զանձարանական ժողովինն է լինելու:

3, Վարչական ժողովը իւրաքանչիւր ամսի վերջին ստուգելու է գանձարանական ժողովի և զանձապահի հաշիւները:

4, Վարչական ժողովը ստուգելու է իւրաքանչիւր քահանայի յուզարկաւորութեանց մասնակցելու հերթակալութեան թուերը և աշխատանքների հաւասարութիւնը: (յօդ. ե. 3):

5, Վարչական ժողովը համեմատաբար տուգանքի է ենթարկելու զանցառու քահանաներին, սարկաւագներին և զպիրներին. (յօդ. ԺԸ համար 3):

ՅՕԴՈՒԱԾ Թ.

Մ ե ո ե լ ո ց:

1, Վարչական ժողովը գերեզմանատունը բաժանելու է զանազան մասերի, և ամեն մի մասում նշանակելու է մի մի քահանայ և նոյն նշանակուած քահանան չէ չունենալու իրաւունք իւր համար մասնադրած սահմանից անցնել մի ուրիշ քահանայի մասը:

2, Վարչական ժողովը գերեզմանօրհնեաց համար տպագրել տալու է կարտոնի փոքր տոմսակներ վերները նշանակելու է 20 կոպէկանոցից սկսած 10 ռուբլանոց:

3, Վարչական ժողովը գերեզմանատան դռներում աջ ու ձախ կողմերումը դնել տալու է երկ երկու սեղաններ և նշանակուած մարդիկ տոմսերը վաճառելու են ներս մտնող ժողովրդի վերայ. և գերեզմանօրհնէքից յետոյ զբաժները անմիջապէս հաշուելու և յանձնելու:



են դանձարանական ժողովի գանձապահին հանդերձ ստորագրական թղթերով:

4, Տուն գնող ժողովուրդը իւր կամեցած դերեղմանը օրհնել տալու է և զրամի փոխարէն տոմսը յանձնելու է դերեղման օրհնող քահանային:

5, Գերեղման օրհնելուց վերջը, իւրաքանչիւր քահանայ վերադառնալով տուն, իւր տոմսերը գտնելու է, յայտարարութեան մէջ իւրաքանչիւրը նշանակելու է և յանձնելու վարչական ժողովին, որը համեմատելով փութարի հետ յանձնելու է գանձարանական ժողովին:

ՅՕԴՈՒԱԾ Ժ.

ՏԵՐԻՆԵՐ

1, Վարչական ժողովը, քաղաքը բաժանելու է գանազան մասերի և իւրաքանչիւր քահանայի յատկացնելու է սահմանափակ մի յայտնի մասն:

2, Քահանան ո՛ր և է պատճառաբանութեամբ չէ ունենալու իրաւունք, իրան յատկացրած սահմանից անցնել մի ուրիշի մասը, տուն օրհնելու:

3, Վարչական ժողովը տպագրել տալու է չորս վերջով աւել կամ պակաս երկարութեամբ և երեք վերջով լայնութեամբ տետրակներ՝ էլէքտրաքարշի տոմսակների տետրակների նման, վերից նշանակել տալու է 20 կողմից սկսած 25 սուրբանոց և յանձնատուն օրհնող քահանային, և նա տնօրհնէից ստացած զրամի համապատասխան տետրակիցը կտրելու է կտրօնը և յանձնելու տանտիրոջը՝ տիրացուի ներկայութեամբ:

4, Տուն օրհնող քահանան տետրակը ստորագրութեամբ ստանալու է և ապա գնալու և օրհնելու

իւր համար որոշած քաղաքամասի տները:

5, Տուն օրհնող քահանաները տնօրհնէից վերջը ստացած զրամները, կտրօնների արմատների հետ սուրբանոց յետոյ, զրամները արմատների հետ յանձնելու են վարչական ժողովին, և նա գանձարանական ժողովի գանձապահին:

ՅՕԴՈՒԱԾ ԺԱ.

ԱՊԵՐԻՍԿՆԵՐԻ ԱՊԵՐԻՍԿՆԵՐ

1, Վարչական ժողովը ընդ միշտ աշխատելու է գտնել նորանոր արդիւնքների գանազան աղբիւրներ, ընտրելու է մի քանի եկեղեցիներ, նուրանց տօնը կատարելու ամենաշքեղ հանդէսներով, օրինակ քաղաքի Հալուաբարի մասում գտնուած ս. Գրիգոր Լուսաւորչի եկեղեցւոյ համար, Թէմակալ բարձր Սրբազան Առաջնորդի օգնութեամբ Մայր Աթոռից ս. Գրիգոր Լուսաւորչի մասից մի փոքր մասն ընել տալ, և ամեն տարի նորա երեք տօներին նախապէս նշանակուած քահանաներով նախատօնանք կատարել, և հետեւող օրը հանդէսը աւելի շքեղացնելու առթիւ, պատարագիչ Թէմակալ Առաջնորդը լինել, քարոզներ և ճառեր խօսիլ, և այսպէս երկուցեան և հետեւող օրերի վաճառուած մոմերի և խաչահամբուրի արդիւնքները յատկացնել քահանաների գանձարանին:

2, Վարչական ժողովը ունենալու է մի մեծ կրկնակ կից մի որ և է եկեղեցւոյ՝ յարմարը Աւետիայ և և Տափի - Թաղի եկեղեցիքն են, միմիայն այնտեղ վաճառել տալու է եկեղեցական պատկերներ, Աւետարաններ, խաչեր, ջահեր, շամատաններ, շուրջառացուներ, շուրջառաներ, սաղաւարտներ, վակասներ, բուռվարներ, խաչուառներ և քրոցներ, որոնց ար-

դիւնքը յատկացնել քահանաների գանձարանին:

3, Խօջիվանաց, այլև Վերայի գերեզմանատունների արդիւնքը ևս յատկացնել քահանաների գանձարանին:

4, Եկեղեցեաց տարեկան արդիւնքների ծախքը մուսքից հանելով, մնացորդ գումարը Թէմակալ բարձր սրբազան Առաջնորդի, ընդհանուր քահանաների և երէցփոխանների ժողովի խորհրդով կարգաւորելու է մի մասը տալ բանկը եկեղեցեաց պէտքերի համար, մի մասը յատկացնել կարօտ ուսումնարաններին, մի մասը յանձնել Կօնստնուպոլիսին՝ տարեկան գանազան ծուխուց համար. և մի մասը յատկացնել քահանաների գանձարանին, այլև քաղաքիս բոլոր եկեղեցեաց յանուն քահանաների կտակած և ամեն տեսակ բանկային տոմսերը և դրամները յատկացնուելու է քահանաների գանձարանին:

5, Վարչական ժողովը Վանաց աւագ եկեղեցւոյ գաւթումը հանգուցեալ Գէորգ աւագ քահանայ Գալստեանի նւիրած տանը և կամ մի որ և է եկեղեցւոյ յարմարաւոր սենեակներում բանալու է տպարան, և քահանաների անձեռնմխելի գումարներով բերել տալու նոր ձևի կատարելագործուած մեքենաներ, տառերի արձատներ, ձուլարաններ և այլ հարկաւոր մանրամասնութիւնները, ապա վարձել վարդեաներ և գրաշարներ և սկսել գործը. մի արդիւնքը յատկացնել քահանաների գանձարանին:

ՅՕԴՈՒԱԾ ԺԲ.

Գովիլի գործունէութիւններ:

1, Վարչական ժողովը Վանաց աւագ եկեղեցւոյ գաւթի յանուն ընձայացուների՝ նախկին Առաջնորդ,

այժմ էջմիածնի Ս. Սիւողի տեղակալ բարձր Սրբազան Գէորգ արքեպիսկոպոս Սուրէնեանի կառուցած սենեակներում բանալու է գրադարան-ընթերցարան, որ միշտ բաց է լինելու, քահանաները, սարկաւագները և դպիրները ընդմիշտ պարապ ժամերում յաճախելու են և կարդալու թէ լրագրներ, և թէ գրքեր, և բացի սորանից անելու են վարժութիւններ թէ քրոզներ և թէ հոգևոր ներկայացումների:

2, Վարչական ժողովը քահանաներից և դպիրներից կազմակերպելու է մի խումբ, տարուալ մէջ գոնէ առ նուազն հոգևոր հինգ ներկայացումն տալու, արդիւնքը յատկացնելու է քահանաների գանձարանին:

3, Վարչական ժողովը քահանաների աշխատասիրութիւնները տպագրելու է ձրի, և դրամի փոխարէն ստանալու է տպագրած գրքերի երրորդ մասը յօգ տ քահանաների գանձարանին:

4, Վարչական ժողովը քահանաներից, սարկաւագներից, այլև քահանաների, սարկաւագների և դպիրների որդիներից և որդեգրներից ուսումները կատարելագործել ցանկացողներին՝ գանձարանի հաշուով ու կարկելու է արտասահման:

5, Վարչական ժողովը օգնելու է քահանաների, սարկաւագների և դպիրների (դպիրներ, պէտք է հասկանալ հոգևորականութեան մէջ օրինական կարգաւ ընդունվածները) ողջիկների պսակի օժիտին և պսակմանը սահմանափակ դրամով:

ՅՕԴՈՒԱԾ ԺԴ.

Հրատարակութիւն

1, Վարչական ժողովը ջանաւոր է ստանալ իրաւունք մի շարաթաթերթի հրատարակման, ի հաշիւ և յօգուտ գանձարանին:

2, Շարաթաթերթի անունը կոչուելու է «Հայոց եկեղեցի»:

3, Շարաթաթերթը հրատարակուելու է Տփլիսի քահանաների խմբագրութեամբ, որին աշխատակցելու են բոլոր ցանկացողները:

4, Շարաթաթերթը լինելու է պատկերազարդ, և ամեն դուրս վարձն՝ պէտք է ունենայ առնուազն հինգ պատկեր, և պատկերները լինելու են Մայր Աթոսի, և զանազան տեսարանների, հոշակաւոր վանքերի, եկեղեցիների, ուսումնարանների, թագակիրների, կաթողիկոսների, յայտնի հոգեւորականների և մեծ մարդկանց:

5, Շարաթաթերթի գինը լինելու է 10 ուլլի. արտասահմանում 12 ո., տասնեկերկու տարի շարունակ ստացող բաժանորդի լուսանկարը հրատարակուելու է շարաթաթերթում:

ՅՕԴՈՒԱԾ ԺԵ.

Վերահսկող Բանաւայ

1, Գանձարանական և վարչական ժողովների անդամոց գործունէութեանց վերայ, ընդհանուր քահանայական հաստատութեանց բարեկարգութեանց, եկեղեցեաց մաքրութեանց, ժամասացութեանց, քահանաների, սարկաւազների և զպիրների վարուց և շարժմանց վերայ լինելու է մի վերահսկող քահանայ:

2, Վերահսկող քահանան լինելու է խիստ, անկեղծ և նախանձախնդիր օրինաց պահպանութեան:

3, Վերահսկող քահանան՝ ազատ է լինելու որ և է պաշտօնից:

4, Վերահսկող քահանան միշտ ի ժամու և ի տարածմու շրջելու է, ազատ մուտ գործելու թէ երկու ժողովներում, և թէ ամեն տեղ՝ ուր հոտ է բուրում հոգեւորականի. սակայն չունի իրաւունք միջամտելու, որ և է անձնաւորութեան սխալն ուղղելու, և գործունէութեանը՝ որ և է պաշտօնավարի:

5, Վերահսկող քահանան՝ միմիայն, և այն էլ գաղանի կազմելու է արձանագրութիւն, նկատելով ժողովների անդամոց թիւլ վերաբերմունքը իւրեանց պաշտամանց, և զարտուղիների ընթանցքը բարեկարգութեանց մէջ, և իւր միեւրոճ արձանագրութիւնները կարգալու է ընդհանուր ժողովներում. ուր խսկոյն և եթ որոշուելու է զանցառուների պատիժները տուլ՝ զանքով:

ՅՕԴՈՒԱԾ ԺԵ.

Ընդհանուր ժողովներ

1, Ընդհանուր ժողովներ լինելու են տարին չորս անգամ, իսկ կարեւոր դէպքում այլ և արտակարգ:

2, Ընդհանուր ժողովն ընտրելու է իւր նախագահը և բարաւարդը:

3, Ընդհանուր ժողովի խորհրդածութեան նիւթերը նախագահը երեք օր առաջ զբաւոր յայտնելու է Տփլիսի քահանայական միաբանութեան բոլոր անդամներին:

4, Տփլիսի քահանաների միաբանութեան բոլոր անդամներն՝ ձայնի հաւասար իրաւունք են ունե-

նախու. ձայների հաւասար դէպքում՝ գերակշռութիւնը նախագահի կողմն է լինելու:

5, Ժողովից բացակայ անդամը՝ չէ կարող իւր ձայնը ուրիշի տալ և ոչ թղթով:

ՅՕԴՈՒԱԾ ԺԶ.

Բարեկարգումներ

Վարչական ժողովը Տփլիսի բոլոր հայ քահանաներին ընդունելով իբրեւ մի եկեղեցւոյ միաբանութիւն և համարելով իբրեւ մի տան որդիներ, իւրաքանչիւրի համար որոշելու է համահաւասար աշխատանք՝ եւ իւրաքանչիւրին էլ վարձատրելու է մի միայն քահանայական գանձարանից, ուստի ոմանց տալու է ուսուցչութեան պաշտօն՝ որ աւելի տիրապետեն ուսուցչութեանը, ոմանց քարոզչութեան, ոմանց ծիսականութեանը, մկրտել պատկել, թաղել, փամասել, պատարագներ մատուցանել և մասնակցել յուղարկաւորութեանց, հոգեհանգիստներին և անբիծքներին. և ոմանց գործակալութեան և այլ պաշտօններ:

2, Վարչական ժողովն որոշելու է օրինակատարութեանց ժամանակամիջոցը առաւօտեան ժամը 9-ից սկսած երեկոյեան ժամը 6-ը կատարուելու են թէ մկրտութիւնները, թէ պսակները և թէ ննջեցեալները:

3, Վարչական ժողովը ցանկութիւն յայտնող քահանաներին ընակեցնելու է եկեղեցապատկան տըներում ձրի:

4, Վարչական ժողովը վերացնելու է տուն փարտելու աւելորդ սովորութիւնը, նոյնպէս քելէխը. և ննջեցելոց տիրոջը համոզելու է, որ քելիսի վերայ անելի ծախուց՝ եթէ ոչ ամբողջը, գոնէ կէսը նուիրէ

աղքատախնամ՝ ճաշարաններին և կարօտ ուսուցմարաններին:

5, Վարչական ժողովը մտածելու է ընդ միշտ բարեկարգել քահանայական դասը, և նորա լի ու լի ապահովութեան համար, և ապահովութիւնը հաստատ հիմունքի վերայ դնելու համար՝ անդադար հեռուն և հեռուն մտածելու է:

ՅՕԴՈՒԱԾ ԺԵ.

Ամսականների բաժանումը:

1, Ամսականների քանակութիւնը որոշելու է վարչական ժողովը և բաժանելու է ընդ միշտ ամսի 25-ին. (յօդ. Բ. համար 2):

2, Մի տարուայ ձեռնադրուած քահանան մինչև 25 տարին ստանալու է մի որոշ քանակութեամբ ուճիկ:

3, Քսանահինգ տարին լրացրած քահանան մինչև 35 տարին ստանալու է մի որոշ քանակութեամբ ուճիկ:

4, Երեսուն և հինգ տարի լրիւ քահանայական պաշտօն վարող քահանան ստանալու է ցմահ՝ կենսաթոշակ:

5, Սարկաւագների և զպիրների համար էլ պէտք է այս կարգը գործ դնել, իւրեանց համար որոշած ուճիկների քանակութեանցը համաձայն:

ՅՕԴՈՒԱԾ ԺԸ.

Դաս եւ հաստատութիւն կանոնադրութեան:

1, Վարչական ժողովը քահանաների միմեանց և կամ ժողովրդեան հետ պատահած անբաւականութիւնները քննելու է և ջանալու տալ բաւականութիւն:

2, Վարչական ժողովը քահանայի կամ մի ուր և է սարկաւազի և դպրի գատը պաշտպանելու է թէ հոգեւոր և թէ քաղաքական դատարաններում ի հաշիւ գանձարանի:

3, Քահանան, սարկաւազը և դպիրը, եթէ իշխանութեան կողմից ծանր պատժի ենթարկուած լինի, այդ դէպքում ստանալու է ամսականի կէսը, արդարանալու դէպքում՝ սովորականը, իսկ պաշտամանց զանցառու յանցաւորներին վարչական ժողովը ենթարկելու է աստիճանաբար տուգանքի. (յօդ. է. համար 5):


4, Տփլիսի Հայոց քահանաների միաբանութիւնը՝ սոյն կանոնադրութիւնը ընդհանուրի քննադատելուց յետոյ (քննադատութեան ժամանակամիջոցը՝ որոշուած է մինչև տարւոյս հոկտեմբերի վերջը) խոնարհաբար ներկայացնելու է հանգերձ յայտարարութեամբ բարձր Սրբազան Թէմակալ Առաջնորդին, և ի ձեռն նորա ի հաստատութիւն Վեհ. Հայրապետի անդիս:


5, Տփլիսի Հայ քահանաների միաբանութիւնը սոյն կանոնադրութեան հաստատութեան իրաւունքն ստանալուն պէս՝ սկսելու է ընդհանուր ժողով կազմել նախագահութեամբ Թէմակալ Առաջնորդի և ընտրել գանձարանական և վարչական ժողովների անդամները, քարտուղարները, գանձասպանը և վերահսկող քահանան, ընտրութիւնից յետոյ՝ ընտրուածներին պրաւոր առաջարկել ի հաստատութիւն Թէմակալ Առաջնորդին. յետ հաստատմանց, ժողովներն սկսելու են իւրեանց պաշտամանց գործունէութիւնները, որոնք անմիջապէս տպագրել տալու են սոյն կանոնադրութիւնից բաղմաթիւ օրինակներ. և ցրել քաղաքիս բոլոր Հայ ժողովուրդներին, այլև լրագրներով և քարոզներով ծանօթացնելու ժողովրդին կանոնադրութեան հետ, որ ըստ այնմ վարուի, և միշտ ջանայ չմեղանչել կանոն-

նադրութեան դէմ, որով ծանրութեամբ, հաստատուած բարեկարգութեանը խանգարումն չպատճառէ. ըստ որում քահանաներից ճարպիկ շողորթը կջանայ շողորթութեամբ դադանի դրամներ շորթել շողորթութեան ծխերից, այս կերպ վարուողներին՝ նախ խըստիւ պատիժելու են գանձարանական և վարչական ժողովները՝ և երկրորդ՝ ինքը ժողովուրդը, և բոլոր ժողովուրդը պէտք է լաւ հասկանայ, որ ինքը չունի տալու ոչ մի քահանայի, սարկաւազի և դպրի մի կողէկ անգամ, այլ իւր տալուն՝ միմիայն տալու է գանձարանական ժողովին և այսպիսի խստութեամբ և հետաքրքիր լարուած ուշադրութեամբ պահպանած կանոնադրութիւնը՝ անշուշտ կունենայ յարատեւութիւն. այլև կդառնայ պատճառ և գիւղական գրկուած, քահանաների վիճակների բարեփոխմանը մտածելու և ճանապարհ հարթելու:



[illegible]





Арм
3-38



Арм.

3-384a